

Inungnun Tuhaqtitaujukhaq

Kavamatkut Nunavunmi kivgaqtuiviit halatiirnaqtitlugu umikhimajut

Aulaqtirvikhaa Ublua: Tissaipa 22, 2020

Nutgarvikhaa Ublua: Januali 4, 2021

Nunavunmi tamainni

Tamaita Nunavut Kavamangani havagviit umikhimaniaqtun Tissaipa 24min talvunga Januali 3mun ukuangungittun kihimi tikkuagtauhimajun igluqpait angmaumajukhat.

GN-kunni havagutit tunijauniaqtun maliklugin aanniaqtailinikkut munarihitkunnin maliqujahimajun atuqtaujun aallanguhainnaqtaaqtuullu.

Aanniagtailinikkut

- Qikiqtani Aanniaqvik angmaumaniaqtuq piluni tamaita havakviit kihimi aanniaqvikmiingittuni timikkut iqaijaqhivikmi
- Aihimavingmi Munarhidjutit havagaanginnaqtait umikhimaniaqtun pitqujauhijununi haalatiini, kihimi hailihimaniaqtuq amigarnarhijununi.
 - Ilihimalugi ilangit aihimavingmi munarhidjutit Kivallirmi nutqaqtitauhimajun pijdutaanin COVID-19 qalagjuarnirmi aannialaqidjutinin.
- Aanniarivingmiingittuni munarijaulluarnikkut munarhiviit umikhimaniaqtun Tissaipa 25mi, 28mi, Januali 1milu, kihimi angmaumaniaqtun tamainni aallani ubluni.
- Nunallaani munarhiviit angmaumaniaqtun, kihimi, qilamiurnikkut amigarnarhijunullu havagutikhat hailihimaniaqtun munarhinikkut talvuunga havangnaitillugu-hivajautikkut havagutinin imaalu hapkuat havagutikhat aulahimaniaqtun:
 - Amigarnarhijun/qilamiurnikkut munarinikkut, aanniaqtununi, ihuarhaqtauhimajunullu takujaqtuqvighanik ukununga qajangnarhittaaqtununi inungnun pipkaidjutihimaarniaqtun.
 - Nakuudjutikhakkut-nutaranun hingaijunullu havaniaqtut tamaat.
 - Havautigijauraanginnaqtun aularaanginnaqtuni aanniarutiqaqutuni ukuallu nakuudjutikhakkut-arnani/nakuudjutikhakkut-angutini munarhiliarutit

nutqqtitauniaqtun uvuuna pipkaijaami amigailiqtunik amigarnarnikkut munaridjutikhanun.

- Ihumaliqinikkut munarhiit havaktiillu havagniaqtuq tamainni.
- Aanniaqtailinikkut Havaktiit, aviturhimanirni hiamittaaqtuni aannialaqidjutini, TB-kut havaktiit, irnijunun ikajuqtiit, nunallaani aanniaqtailinikkut havaktiit ikajuqtiillu havaktiit havangniaqtun tamainni.
- Qaujiharnikkut iksuliirnikkullu havagutit aulahimaniaqtun angmaumaniaqtun havaglutiklu. Piniq hunanik qaujiaqtaujujukkanik iksuliirinikkullu piniyaqtun 24/7 ikaarnini tamaat tamainnun amigarnarhijunun ukunungalu piinnaraanginnaqtunun hunani. COVID-19 qalagjuarnirmi kiluqtuutit aulahimaniaqtun amigarnarnikkut hivullitijaulutik tamaitalu tujuutikkut qanuriliutit aulahimaniaqtuq atuqtaulutik umikvighami. Pijauraanginnaqtun qaujiaqtaujujukkanik nutqangallangniaqtun uvani.
 - Aanniaqtukkut aullaarutikhat aularaanginnarniaqtun.
 - Iqaluktuuttiami ihumaliqinikkut havagvik:
 - Ihumaliqinikkut munarhiit havaktiillu havagniaqtuq tamainni.
 - Ihumaliqinikkut Ipirailailirnikkullu ajuirharhimajun havaktiit havalimaittun kihimi hailihimaniaqtun hivajaqtauttaqtun ihumagingani ihumaliqinikkut munarhimin.
 - Akausisarvik Ihumaliqinikkut Havagvik Iqalungni havangniaqtun tamainni.
 - Aanniaqtuni Najurviit havagaanginnarniaqtun:
 - Churchill – Iglualuk Boarding Home.
 - Edmonton – Larga House.
 - Iqaluit – Tammattaavik Boarding Home.
 - Ottawa – Larga House Baffin.
 - Winnipeg – Kivalliq Inuit Centre.
 - Yellowknife – Larga Kitikmeot Boarding Home.

Inuliriiyikkut

- Inulirijikkut Havagviit piqarniaqtuq hivajaqtauvighakkut hailihimaniaqtun.
- Ikajuuhiarvikkut Havagviit piqarniaqtuq hivajaqtauvighakkut hailihimaniaqtun.
- Havaakhanun Havagvia piqarniaqtuq hivajaqtauvighakkut hailihimaniaqtun.

Nunalingni Kavamatkunillu Pivikhaqautikkut

- Hapkuat Nunalingni Kavamatkunillu Pivikhaqautikkut havagviit hailihimajun amirarnaqqat:
 - Qajangnaittukut Hulidjutini Havagvik (Havagvia Atannguajup Ikualaaqtuliqijiup, atanngujauq alrujanik ihivriuqti, atanngujauq iglunik ihivriuqti unalu atanngujauq imaqtutini-uunnakhiiviknik ihivriuqti).
 - Igluqpainnun Aulapkainikkut Havagvik.

- Amigarnaqtunut Aulapkanikkut Havagvik.

Pivalliajuliqijikkut Ingilrajuliqijikkullu

- Nunavunmi tingmiharviit angmaumaniaqtun.

Ilinniaqtuliqijikkut

- Manikkut Ikajuutikhat Nunavunmi Ilihaqtunun (FANS) havagvia piqarniaqtuq hivajaqtauvighakkut tingminikkut amigarniarhijunun uvani 867-857-6950.

Kiinaujaliqijikkut

- Una Nunavunmi Tanngaliqinirmut Higaarlungnikkullu Katimajiit (NULC) niuvvaahimmaarniaqtuq hakugikpallaangittunik taanganik (beer, wine, cider, coolers) talvuuna Iqaluit NULC niuvvaavingmi talavani umikhimavingni, piqaluni ikiklijuummirhimajunik ikaarnikhanik.
- Una NULC niuvvaavik umikhimaniaqtuq talvannga Tissaipa 24min 28mun, angmaffaarluni 29mi 30milu talvannga 1min 6mun unnukkut uvanilu Tissaipa 31 talvannga 12min 4mun ubluummaat. Niuvvaavik umikhimaniqtuq Januali 1, 2021 havalirlunilu havagaanginnarutimingnik ikaarnirnun uvani Januali 2mi, 2021.
- Taanganik qarridjutikhanik laisikhat ukuallu nunallaani aquiqtuidjutit havaktaulimaittun talvannga Tissaipa 24min talvunnga Januali 3mun. Niuvirumajun qarridjuiniarhimajun uvuuna akhuuqtaujuun niuviuqlutik laisikhamik talvuuna Tissaipa 23kkut naliinnin hapkunannga:

Iqaluit NULC niuvvirvik

Inuk upautiluni:

Hivulliinmi talvannga 9mi ublaami 12mun uvanilu 1min 4:30mun. ET.

Aippiunmi Talliumiunnun talvannga 9min 11mun ublaami. ET.

Hivajautikkut hivajarlugu 867-975-6869.

Kangiqliniq

Hivajarlugu 867-645-8575 unaluunniit 855-844-5488 Hivulliinmin Tallimiummut talvannga 8:30min ublaami 12mun uvanilu 1min 5mun. CT.

Iqaluktuuttiaq

Hivajarlugu 867-983-4048 Hivulliinmin Tallimiummun 10min ublaami 4mun. MT.

Kugluktuk

Hivajarlugu 867-982-6509 titiqqiluguluunniit qaritaujakkut uvunga

water@kugluktuk.ca.

Ilihimaluhi Kugluktumi havagvi havainnarniaqtait laisighat talvaniinnaq nunallaami.

Havaktuliqijikkut

- Una Havaktimun Ilagijainnullu Ikajurutikhat Pinahuaruti hailihimaniaqtuq havaliirvingmi. Havaktut ilagijaullu hivajaqtaaqtaa una akiittuq 1-800-663-1142 ingunmun uqaudjutinik tamainni Nunavutiup ilitarijauhijamajuni uqauhini takuluguluunniit una <https://homewoodhealth.com>.
- Talvani GN-kunni haalatiirnikkut umikhimaviinni, staffhousingrequests@gov.nu.ca munarijauniaqtun amigarnarhijuinnarnun.

Maligaliqijit

- Maligalirinirmut Atiliurvik angmaumahimaniaqtun.
- Tamaita itiqtauviit angmaumahimaniaqtun:
 - Baffin Itiqtauvik unalu Makigiarvik Itiqtauvik.
 - Kangiqlinirmi Mamiharvik Itiqtauvik.
 - Kugluktup Ilavut Itiqtauvia.
 - Uttaqivik Community Residential Centre.
 - Nunavunmi Arnait Itiqtauvia.
 - Isumaqsunngittukkuvik Youth Facility.
- Nunallaani Maligaliqnikkut Havakviit umikhimaniqtun kihimi Amigarnarnikkut Hapummidjutikhakkut Maligakhat hailihimajun hivajaqlugu 1-844-534-1038 hivajarlugilluunniit nunallaami RCMP-kut ikajurutikhanik.
- Havagvia Inungnun Munaqtiujumi Amiqtuijumilu umihimaniaqtuq kihimi hivajaqtautaaqtun uvani 867-222-1805 amigarnainnaqtunun.
- Nunallaani Ikaqtauvingni Havaktiit hailihimaniaqtun hivajautikkut. Hailihimajukhakkut havaktukhani naunaitkutaa hamma:

Tissaipa 23min 26mun	867-222-5271
Tissaipa 26min 29mun	867-222-0390
Tissaipa 29min 31mun	867-975-1616
Tissaipa 31min January 2mun	867-222-5271
Januali 2min 4mun	867-899-1380

Avatiliqijikkut

- Amigarnarnikkut kuvinikkut kiudjutikhat hailihimajun 24ni ikaarnirni ubluq tamaat uvani 867-920-8130.
- Amigarnarnikkut huradjatigun kiudjutikhat hailihimajun 24ni ikaarnirni ubluq tamaat uvani 867-222-0167.

Qulliq Alrujaqtuqtunik Ikumadjutiit

- Qulliq Alrujaqtuqtunik Ikumadjutiit angmaumaniaqtun GN-kut haalatiirutainni umikvinginni ubluinni (Tissaipa 24, 29, 30 31milu), kihimi umikhimaniaqtun

ukunani pitqujauhimaguni haalatiivighani (Tissaipa 25, 26 Januali 1milu).

Nunavunmi Igluliqijirjuatkut

- Amigarnarnikkut hivajaqtakhat Iqalungni havkatinun igluliqijiinnun: 867-877-4118. Tujuruiqlutin hivjautikkut titiqqidjutinik.

Nunavunmi Ilihariaqpaallivingni

Hapkuat NAC igluqpait angmaumaniaqtun talvunga Tissaipa 24mun:

- Kivalliq Hall Havagviit – Kangiqliniq*.
- *Avaliittuni igluqpait ilihagtuni najurviit talvani Kivalliq Hall-mi umingniaqtuq Tissaipa 18mi.
- Sanatuliqsarvik, Hananikkut Iliharvik – Kangiqliniq.
- Nunatta Iliharvilluanga – Iqaluit.
- Kitikmeot Iliharvia – Iqaluktuttitiaq.

Hapkuat NAC Igluqpait angmaumaniaqtun (ilihaqtunun) umikhimavingmi:

- Ilagiiktunun Igluqpait – Iqaluktuuttiaq.
- Ilagiiktunun Igluqpait – Kangiqliniq.
- Ilagiiktunun Igluqpait ukuallu Ilihaqtunun Najurvik (Utuqqaq Nova Igluqpaa) - Iqaluit.

Aallat uqarvigijakhanun ilitturipkaidjutikhat takujauttaaqun uvani: www.gov.nu.ca.

Tamaita GN-kunni havagviit angmaffaarniaqtun Hivullunmi, Januali 4mi, 2020 havagvinghanun. Quviahugitti Quviahugvingmi!

###

Tuhaqtipkainikkut Uqarvigijakhaq:

Janis Qaunirq
Tuhaqtipkainikkut Ajuittuq
Havaktuliqiyikkut
867-975-6239
jqaunirq@gov.nu.ca

ᐱᐸᐸᐸᐸᐸᐸ ᐸᐸᐸᐸᐸᐸᐸᐸᐸᐸ ᐸᐸᐸᐸᐸᐸᐸᐸᐸᐸ ᐸᐸᐸᐸᐸᐸᐸᐸᐸᐸ, ᐸᐸᐸᐸᐸᐸᐸᐸᐸᐸ, ᐸᐸᐸᐸᐸᐸᐸᐸᐸᐸ ᐸᐸᐸᐸᐸᐸᐸᐸᐸᐸ, www.gov.nu.ca
News releases are available in Inuktitut, English, Inuinnaqtun and French on www.gov.nu.ca.
Tuhaqtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.

Communications